

სასათბურე მეურნეობების მხარდაჭერის საგრანტო პროგრამა

განმახორციელებელი უწყება: სსიპ - დევნილთა, ეკომიგრანტთა და საარსებო წყაროებით
უზრუნველყოფის სააგენტო

2022 წელი

სარჩევი

შესავალი	3
1. პროგრამის მიზანი	4
2. პროგრამის შედეგი.....	4
3. პროგრამის გავრცელების არეალი და ბიუჯეტი	4
4. პროგრამის აღწერა.....	4
3.1. საგრანტო განაცხადების წარმოდგენა	6
3.2. საგრანტო განაცხადების შემოწმება და განხილვა.....	7
3.2.1.საკვალიფიკაციო მოთხოვნები	8
3.2.2. შეფასების კრიტერიუმები	8
3.3. გამარჯვებული საგრანტო განაცხადის გამოვლენა	14
3.4. პროგრამის განხორციელების ვადები	14
3.5. პროგრამის ხანგრძლივობა	16
4. პროგრამის მონიტორინგი	16

შესავალი

საქართველოს ოკუპირებული ტერიტორიებიდან იძულებით გადაადგილებული პირები - დევნილები (შემდგომში - დევნილი) და სტიქიური მოვლენების შედეგად დაზარალებული და გადაადგილებას დაქვემდებარებული ოჯახები (ეკომიგრანტი) მოსახლეობის ერთ-ერთ ყველაზე მოწყვლად ფენას წარმოადგენენ, რომლებიც სახელმწიფოსგან განსაკუთრებულ მიდგომასა და მხარდაჭერას საჭიროებენ. დევნილთა და ეკომიგრანტებისთვის განსაკუთრებული მნიშვნელობა აქვს გრძელვადიან განსახლებას და განსახლების ადგილზე მათ ინტეგრაციას, სოციალურ-ეკონომიკური პირობების გაუმჯობესების გზით. მნიშვნელოვანია, განხორციელდეს მათი უზრუნველყოფა საარსებო წყაროებით, რომელიც გულისხმობს „ადეკვატურ და მდგრად ხელმისაწვდომობას შემოსავლებზე და რესურსებზე საბაზისო მოთხოვნილებების დასაკმაყოფილებლად (მათ შორის ადეკვატური ხელმისაწვდომობა საკვებზე, სასმელ წყალზე, სამედიცინო მომსახურებაზე, განათლებაზე, საცხოვრებელზე და თემის ცხოვრებაში მონაწილეობასა და სოციალურ ინტეგრაციაზე).“¹ საარსებო წყაროები მაშინ არის მდგრადი, როდესაც ისინი მჭიდროდაა დაკავშირებული საცხოვრებელ ადგილთან.

დევნილთა და განსახლებულ ეკომიგრანტთა სოციალურ-ეკონომიკური მდგომარეობის გაუმჯობესების მიზნით, ასევე, განსახლებულ ადგილებზე, ეკომიგრანტთა ინტეგრაციის ხელშეწყობის უზრუნველსაყოფად, სსიპ - დევნილთა, ეკომიგრანტთა და საარსებო წყაროებით უზრუნველყოფის სააგენტო (შემდგომში - სააგენტო) ახორციელებს „სასათბურე მეურნეობების მხარდაჭერის საგრანტო პროგრამას“ (შემდგომში - პროგრამა).

წინამდებარე პროგრამა ვრცელდება დევნილებზე, ასევე, ეკომიგრანტებზე, რომლებიც საქართველოს კანონმდებლობის შესაბამისად, უზრუნველყოფილი არიან გრძელვადიანი საცხოვრებელი ფართით (შემდგომში - განსახლებული ეკომიგრანტი).

¹ საქართველოს მთავრობის 20104 წლის 13 თებერვლის N257 განკარგულებით დამტკიცებული „იძულებით გადაადგილებულ პირთათვის – დევნილთათვის და სტიქიური მოვლენების შედეგად დაზარალებული და გადაადგილებას დაქვემდებარებული (ეკომიგრანტი) ოჯახებისათვის საარსებო წყაროებზე ხელმისაწვდომობის უზრუნველყოფის სტრატეგია“.

1. პროგრამის მიზანი

პროგრამის ზოგად მიზანს წარმოადგენს ერთი მხრივ, დევნილთა და ეკომიგრანტთა სოციალურ-ეკონომიკური ინტეგრაციის ხელშეწყობა მათ საცხოვრებელ ადგილებზე და მეორე მხრივ, მათი სასოფლო-სამეურნეო საქმიანობაში ჩართულობის წახალისება და შემოსავლის ზრდის ხელშეწყობა, რაც თავის მხრივ, ხელს შეუწყობს დევნილთა და ეკომიგრანტთა სახელმწიფოზე დამოკიდებულებიდან თვითკმარობაზე გადასვლას.

პროგრამის კონკრეტული მიზანია, დევნილებისა და განსახლებული ეკომიგრანტებისთვის სასათბურე მეურნეობების მოწყობა.

2. პროგრამის შედეგი

პროგრამის ფარგლებში დაფინანსდება მინიმუმ 15 საგრანტო განაცხადი და თითოეული ბენეფიციარისათვის მოეწყობა 240 კვ.მ. სასათბურე მეურნეობა.

3. პროგრამის გავრცელების არეალი და ბიუჯეტი

2022 წელს, პროგრამა ვრცელდება იმერეთის, გურიის, სამცხე-ჯავახეთისა და ქვემო ქართლის რეგიონებში.

პროგრამის ბიუჯეტი შეადგენს 350 000 ლარს. დაფინანსება ხორციელდება სახელმწიფო ბიუჯეტიდან გამოყოფილი ასიგნებების ფარგლებში.

4. პროგრამის აღწერა

პროგრამის სამიზნე არეალში მცხოვრები დევნილები და განსახლებული ეკომიგრანტები მიიღებენ მხარდაჭერას სასათბურე მეურნეობების მოწყობის გზით. სასათბურე მეურნეობა გულისხმობს ტუნელის ტიპის სასათბურე კონსტრუქციის, სასათბურე ფირის, სარწყავი სისტემის, ფართის შესაბამისი ვენტილაციის, ხოლო საჭიროების შემთხვევაში, წყლის რეზერვუარისა და ტუმბოს ერთობლიობას.

პროგრამის ფარგლებში, მოეწყობა 240 კვადრატული მეტრის ფართობის მქონე შემდეგი ფორმის სათბურეები: ა) 8მ X 30მ; ბ) 10მ X 24მ. სათბურის ფორმას ირჩევს განმცხადებელი მისი მიწის ნაკვეთის

მიხედვით. სათბურების მახასიათებლები და შესაბამისი პროექტები თან ერთვის წინამდებარე პროგრამას **დანართი N2**-სა და **დანართი N3**-ის სახით.

პროგრამაში მონაწილეობისათვის, აუცილებელია ბენეფიციარის თანამონაწილეობა, რომელიც გულისხმობს შემდეგი ნივთების შეძენას:

1	მთავარი მაგისტრალი - 40 ან 50მმ დიამეტრის, რაოდენობა - შესაბამისი წყლის წყაროდან სათბურამდე (სათბურის სიგანის ჩათვლით)
2	წვეთოვანი მილი - 16 მმ დიამეტრი, რაოდენობა - არანაკლებ 320 მეტრი
3	გადამყვანები - 16 მმ პლასტმასის შემაერთებლები არანაკლებ 20 ცალი წვეთოვანი მილის გადასაბმელად.
4	წყლის ფილტრი - მთავარ მაგისტრალზე 40 ან 50 მმ შემაერთებლებით
5	შემაერთებლები - წვეთოვანი მილის მთავარი მაგისტრალთან 16 მმ პლასტმასის შემაერთებლები თვისი სილიკონებით 15 ცალი და ამომყვანებით 15 ცალი, 16 მმ ონკანები (ამომყვანების წვეთოვანთან მიერთებისათვის).
6	180 გრადუსიანი გადამყვანები 40 ან 50 მმ პლასტმასის შლანგის გადამყვანები არანაკლებ 3 ცალი.
7	90 გრადუსიანი გადამყვანები 40 ან 50მმ პლასტმასის შლანგის გადამყვანები არანაკლებ 3 ცალი
8	სასუქის შემრევი - ვენტური ტიპის სასუქის შემრევი 40 ან 50 მმ შემაერთებლებით
9	წყლის პომპა - 40 ან 50 მმ მილზე 90 გრადუსიანი და 180 გრადუსიანი გადამყვანებით. პომპის მახასიათებლები: 220 ვოლტი (საჭიროების შემთხვევაში)
10	ხრეში არანაკლებ 2,5 მ3
11	ცემენტი - არანაკლებ 14 ტომარა
12	საჭიროების შემთხვევაში წყლის რეზერვუარის მოსაწყობად საჭირო ნივთები (პომპა ან/და ავზი)

ბენეფიციარის თანამონაწილეობა უნდა იყოს არანაკლებ 600 ლარის ღირებულების. თანამონაწილეობის ვალდებულების შესრულებად ჩაითვლება უფრო ნაკლები ხარჯიც, იმ შემთხვევაში, თუ სავალდებულოდ შესაძენად მოთხოვნილი ნივთები სრულყოფილად არის შეძენილი განმცხადებლის მიერ და წარმოდგენილია დამადასტურებელი დოკუმენტაცია. გარდა ამისა, შრომითი ან სხვა რაიმე სახის თანამონაწილეობა, რომელიც სასათბურე მეურნეობის მოწყობასა და საგრანტო განაცხადით გათვალისწინებული საქმიანობისათვის შეიძლება იყოს საჭირო, უნდა შესრულდეს ბენეფიციარის მიერ, თუმცა მისი განფასება არ განხორციელდება.

სააგენტო მოახდენს სასათბურე მეურნეობის მოწყობას მას შემდეგ, რაც გამარჯვებული განმცხადებელი შეასრულებს თანამონაწილეობის ვალდებულებას, შეიძენს განსაზღვრულ ნივთებს და დადგენილ ვადაში წარუდგენს სააგენტოს შეძენის დამადასტურებელ დოკუმენტაციას (ზედნაღები და

ღირებულების გადახდის ქვითარი/ჩეკი). გამარჯვებული განმცხადებლის მიერ აღნიშნული ვალდებულების შეუსრულებლობის შემთხვევაში, გაუქმდება გადაწყვეტილება განმცხადებლის გამარჯვებულად გამოვლენის თაობაზე და დასაფინანსებლად შეირჩევა რიგით შემდეგი მაღალი ქულის მქონე განმცხადებელი.

პროგრამის ფარგლებში, ყველა სხვა ტიპის ინვესტიციის დაფინანსება, გარდა სასათბურე მეურნეობების მოწყობისა, ითვლება მიუღებელ ინვესტიციად და არ განიხილება.

სათბურეში მოსაყვანი კულტურები შეზღუდული არ არის და განმცხადებელს, საკუთარი კომპეტენციიდან გამომდინარე, შეუძლია თვითონ გააკეთოს არჩევანი. ამასთანავე, განმცხადებლის მიერ შემოთავაზებული კულტურების სასათბურე მეურნეობის პირობებში მოყვანა უნდა იყოს რეალური და განხორციელებადი, როგორც მოკლე, ისე გრძელვადიან პერსპექტივაში.

პროგრამაში მონაწილეობას ვერ მიიღებს პირი, თუ მას ან მის ოჯახის წევრს სააგენტოს საარსებო წყაროების პროგრამების ფარგლებში, მოწყობილი აქვს სასათბურე მეურნეობა ან მიღებული აქვს გრანტი/სუბსიდიის ძირითადი საშუალებების სახით მინიმუმ ორჯერ.

3.1. საგრანტო განაცხადების წარმოდგენა

პროგრამის განხორციელების პროცესში, სააგენტოს დირექტორის ინდივიდუალური ადმინისტრაციული სამართლებრივი აქტით, განისაზღვრება საგრანტო განაცხადების მიღების ვადა, რომელიც საორიენტაციოდ იქნება ერთი თვე.

პროგრამაში მონაწილეობისათვის, დაინტერესებულმა დევნილმა და განსახლებულმა ეკომიგრანტმა უნდა შეავსოს პროგრამის ფარგლებში შემუშავებული საგრანტო განაცხადი (დანართი N1) და სავალდებულოდ მოთხოვნილ დოკუმენტაციასთან ერთად წარმოადგინოს სააგენტოში ან სააგენტოს ტერიტორიულ სამმართველოებში, შემდეგ მისამართებზე:

1. ქ. თბილისი, თამარაშვილის ქ. N15ა;
2. ქ. გორი, სამების ქუჩა N1;
3. ქ. რუსთავი, კოსტავას N20;
4. ქ. ქუთაისი, ირ. აბაშიძის გამზ. N27;

შესაძლებელია შევსებული და ხელმოწერილი განაცხადი, თანმდევ დოკუმენტაციასთან ერთად დასკანერებული სახით გამოგზავნილ იქნეს სააგენტოს ოფიციალურ ელექტრონულ ფოსტაზე: info@idp.gov.ge.

საგრანტო განაცხადს თან უნდა ერთოდეს შემდეგი დოკუმენტაცია:

1. განმცხადებლის პირადობის ან პასპორტის ასლი;
2. ამონაწერი საჯარო რეესტრიდან იმ მიწის ნაკვეთზე, რომელიც არის განმცხადებლის ან მისი ოჯახის წევრის საკუთრებაში და სადაც უნდა მოეწყოს სასათბურე მეურნეობა (გამარჯვებულ განმცხადებელს დაევალება განახლებული ამონაწერის წარმოდგენა);
3. იმ შემთხვევაში თუ მიწის ნაკვეთი, რომელზეც უნდა განთავსდეს სასათბურე მეურნეობა წარმოადგენს განმცხადებლის ოჯახის წევრის საკუთრებას - მიწის მესაკუთრის სახელზე გაცემული საინფორმაციო ბარათი სსიპ - სახელმწიფო სერვისების განვითარების სააგენტოდან ან სსიპ - იუსტიციის სახლიდან საცხოვრებელი ადგილის მიხედვით რეგისტრაციის შესახებ².

3.2. საგრანტო განაცხადების შემოწმება და განხილვა

წარმოდგენილ საგრანტო განაცხადს ამოწმებს სააგენტოს საარსებო წყაროებით უზრუნველყოფის დეპარტამენტი (შემდგომში - დეპარტამენტი) და განიხილავს პროგრამის ფარგლებში შექმნილი საგრანტო კომისია „საჯარო სამართლის იურიდიული პირის - დევნილთა, ეკომიგრანტთა და საარსებო წყაროებით უზრუნველყოფის სააგენტოს მიერ გრანტის გაცემის წესის“ შესაბამისად.

დეპარტამენტი უზრუნველყოფს წარმოდგენილი საგრანტო განაცხადების შემოწმებას და ადგენს რამდენად შესაბამისია პროგრამის საკვალიფიკაციო მოთხოვნებთან.

დეპარტამენტი უფლებამოსილია, საჭიროების შემთხვევაში, შემოწმების ეტაპზე, განმცხადებელს განუსაზღვროს ვადა არაუმეტეს 10 კალენდარული დღის ოდენობით და მოსთხოვოს მას საგრანტო განაცხადში დაშვებული ტექნიკური ხარვეზის გამოსწორება, სავალდებულოდ წარმოსადგენი ან დამატებითი დოკუმენტაციის წარდგენა ან/და ინფორმაციის დაზუსტება. ამავდროულად, მოთხოვნილი დოკუმენტაცია პირდაპირ უნდა იყოს დაკავშირებული პროგრამის მიზნების განხორციელებასთან. განმცხადებელს უფლება აქვს მიიღოს ინფორმაცია, რა მიზნით ითხოვს დეპარტამენტი დოკუმენტაციის წარდგენას. აღნიშნულის თაობაზე, სააგენტოსა და განმცხადებელს შორის კომუნიკაცია შესაძლებელია როგორც წერილობითი, ისე სატელეფონო და/ან ელექტრონული შეტყობინებით. სატელეფონო შეტყობინების შემთხვევაში, საგრანტო განაცხადის გარეკანზე უნდა გაკეთდეს შესაბამისი მინიშნება შეტყობინების თარიღის მითითებით.

დეპარტამენტი არ გადასცემს საგრანტო კომისიას განაცხადს განსახილველად და იღებს გადაწყვეტილებას განაცხადის განუხილველად დატოვების შესახებ, თუ ის არ აკმაყოფილებს საკვალიფიკაციო მოთხოვნებს ან განმცხადებელმა განსაზღვრულ ვადაში არ აღმოფხვრა ტექნიკური ხარვეზი ან/და არ დააზუსტა ან/და არ წარმოადგინა მოთხოვნილი დოკუმენტაცია/ინფორმაცია; განმცხადებელმა ნებაყოფლობით უარი განაცხადა

² აღნიშნული დოკუმენტის წარმოდგენა არ არის სავალდებულო იმ შემთხვევაში, თუ განმცხადებელი და მისი ოჯახის წევრი, რომლის საკუთრებაშიც არის მიწის ნაკვეთი, დევნილთა/ეკომიგრანტთა მონაცემთა ერთიან ბაზაში რეგისტრირებულნი არიან ერთ ოჯახად.

საგრანტო კონკურსში მონაწილეობაზე; არსებობს სხვა ობიექტური გარემოება, რის გამოც განაცხადის განხილვას შედეგი არ ექნება.

3.2.1. საკვალიფიკაციო მოთხოვნები

პროგრამის საკვალიფიკაციო მოთხოვნები, რომელსაც ამოწმებს დეპარტამენტი:

1. საგრანტო განაცხადი წარმოდგენილია დადგენილ ვადაში, ხელმოწერილია, შევსებულია სრულყოფილად (გასაგებადაა მოწოდებული სასათბურე მეურნეობის წარმოების შეფასებისთვის საჭირო ინფორმაცია) და თანდართულია წარმოსადგენი დოკუმენტაცია;
2. სააგენტოს მონაცემთა ბაზის მიხედვით, განმცხადებელი არის დევნილის სტატუსის მქონე ან განსახლებული ეკომიგრანტი;
3. განმცხადებლის მუდმივი საცხოვრებელი ადგილი და მიწის ნაკვეთი, სადაც გამარჯვების შემთხვევაში, უნდა მოეწყოს სასათბურე მეურნეობა არის პროგრამის სამიზნე არეალში, ამასთანავე - ერთ მუნიციპალიტეტში;
4. განმცხადებელს ან ოჯახის³ წევრს საკუთრებაში/თანასაკუთრებაში აქვს პროგრამის სამიზნე რეგიონში მდებარე მიწის ნაკვეთი, სადაც დაგეგმილია სასათბურე მეურნეობის მოწყობა. ამასთანავე, მიწის ნაკვეთი საკმარისი უნდა იყოს 240 კვ.მ. ფართობის მქონე სათბურის მოსაწყობად;
5. საგრანტო განაცხადი ითვალისწინებს სასათბურე მეურნეობის საქმიანობას;
6. განმცხადებელს ან მის ოჯახის წევრს, სააგენტოს ამავე პროგრამის ფარგლებში, არ აქვს მოწყობილი სასათბურე მეურნეობა;
7. განმცხადებელს ან მის ოჯახის წევრს მიღებული არ აქვს სააგენტოს საარსებო წყაროების პროგრამების ფარგლებში, გრანტი/სუბსიდია ძირითადი საშუალების სახით მინიმუმ 2-ჯერ.

3.2.2. შეფასების კრიტერიუმები

შემოწმების ეტაპის წარმატებით გავლის შემდეგ, დეპარტამენტის მიერ პირველადი შეფასების კრიტერიუმებით შეფასებული განაცხადები წარედგინება პროგრამის ფარგლებში შექმნილ საგრანტო კომისიას (შემდგომში - კომისია), რომელიც წარმოდგენილი განაცხადების რაოდენობისა და არსებული

³ პროგრამის მიზნებისათვის, ოჯახი არის პირთა ერთობლიობა, რომლებიც ერთ საცხოვრებელ მისამართზე ცხოვრობენ და ეწევიან ერთიან შინამეურნეობას. აღნიშნული ფაქტი დადასტურებულ უნდა იქნას საგრანტო განაცხადში მითითებული ინფორმაციით და საჭიროების შემთხვევაში, სსიპ - სახელმწიფო სერვისების განვითარების სააგენტოს და/ან სსიპ - იუსტიციის სახლის მიერ გაცემული საინფორმაციო ბარათით და/ან სააგენტოს მონაცემთა ერთიან ბაზაში არსებული ჩანაწერით.

ფინანსური რესურსის გათვალისწინებით, ადგენს მინიმალური ქულის ზღვარს, საიდანაც განაცხადი დაექვემდებარება ადგილზე მონიტორინგსა და დამატებით შესწავლას.

ა) პირველადი შეფასების კრიტერიუმები:

N	კრიტერიუმი	ქულა
1	<p>ოჯახის წევრთა რაოდენობა</p> <p>(ქულა იწერება განაცხადში მითითებული ინფორმაციის საფუძველზე, რომელიც დარდება სააგენტოს მონაცემთა ბაზასთან. მათ შორის უზუსტობის შემთხვევაში, უპირატესობა ენიჭება განაცხადში მითითებულ ინფორმაციას)</p>	1 - 2 წევრი - 0.5
		3 - 4 წევრი - 0.7
		5 - 6 წევრი - 0.9
		7 - 8 წევრი - 1.1
		9 და მეტი წევრი - 1.3
2	<p>მიწა და ფაქტობრივი საცხოვრებელი მისამართი</p> <p>(ფაქტობრივი საცხოვრებელი ადგილი - სააგენტოს დევენილთა/ეკომიგრანტთა ბაზის, განაცხადში მითითებული ინფორმაციის გათვალისწინებით. მათ შორის უზუსტობის შემთხვევაში, უპირატესობა ენიჭება განაცხადში მითითებულ მისამართს)</p>	ერთ სოფელში/ქალაქში - 1
		ერთ მუნიციპალიტეტში - 0.5
3	<p>მიწის საკუთრება</p>	განმცხადებელი ერთპიროვნული მესაკუთრეა - 1
		განმცხადებლის თანასაკუთრება - 0.5
		ოჯახის წევრის საკუთრება/თანასაკუთრება - 0.25
4	<p>მიწის ნაკვეთი გასარწყავიანებული</p>	კი - 1
		არა - 0
5	<p>მიწის ნაკვეთი შემოღობილი</p>	სრულად შემოღობილი - 1
		ნაწილობრივ შემოღობილი - 0.5
		არ არის შემოღობილი - 0
6	<p>განმცხადებლის ან მისი ოჯახის წევრის მიერ სააგენტოს პროგრამების ფარგლებში ძირითადი საშუალების სახით მიღებული სარგებელი</p>	არ აქვს მიღებული სარგებელი - 1
		მიღებული აქვს სარგებელი - 0.5

7	სასათბურე მეურნეობის მოწყობა დაგეგმილია	იმ საკარმიდამო ნაკვეთზე, სადაც მუდმივად ცხოვრობს განმცხადებელი ან მის მიმდებარედ - 1
		სხვა ნაკვეთზე - 0.5
	განმცხადებლის და მისი ოჯახის საერთო საშუალო ყოველთვიური დეკლარირებული შემოსავალი ბოლო სამი თვის მონაცემების გათვალისწინებით	1000 ლარი ან ნაკლები - 1
		1001 – 2000 ლარი - 0.5
		2001-3000 ლარი-0.2
	3000 ლარზე მეტი - 0	
მაქსიმალური ქულა:		8.3

განაცხადები, რომლებიც მიიღებენ დადგენილ მინიმალურ ქულას ან მასზე მაღალს, დაექვემდებარება მონიტორინგს. ხოლო, განაცხადებზე, რომლებიც ვერ მიიღებენ დადგენილ ქულას, მიღებული იქნება გადაწყვეტილება განაცხადის დაკმაყოფილებაზე უარის თქმის შესახებ. იმ შემთხვევაში, თუ განხორციელებული მონიტორინგის შედეგად, აღმოჩნდა, რომ პირველადი შეფასების კრიტერიუმით შეფასებული გარემოება არ დადასტურდა, მონიტორინგის შედეგის გათვალისწინებით, დაკორექტირდება შეფასების პირველ ეტაპზე მინიჭებული ქულა.

მონიტორინგის განხორციელების შემდეგ, დეპარტამენტი წარმოდგენილ საგრანტო განაცხადებს გადასცემს საგრანტო კომისიას, რომელიც განიხილავს და აფასებს შეფასების კრიტერიუმებით და გამოავლენს გამარჯვებულებს.

საგრანტო განაცხადი ფასდება განაცხადში მითითებული ინფორმაციისა და მონიტორინგის ანგარიშის გათვალისწინებით. თითოეულ კრიტერიუმს მინიჭებული აქვს შესაბამისი ქულა. კომისიის მიერ ხმათა უმრავლესობით თითოეულ შეფასების კრიტერიუმზე დაიწერება შესაბამისი ქულა. იმ შემთხვევაში, თუ რომელიმე კომისიის წევრი არ ეთანხმება ხმათა უმრავლესობით გადაწყვეტილ ქულას, აღნიშნულის თაობაზე აისახება ოქმში.

ბ) შეფასების კრიტერიუმები:

N	კრიტერიუმი	განმარტება	ქულა
მიწის გამოსადეგობა			
1	სასათბურე მეურნეობისათვის და შემოთავაზებული საქმიანობისათვის მიწის ნაკვეთის გამოსადეგობა (ხომ არ არის ქვიანი,	კომისიის შეფასებით, მიწა გამოსადეგია სასათბურე მეურნეობისათვის, მოწყობილია საჭირო ინფრასტრუქტურა-გზა, სარწყავი წყალი, ელ. ენერგია	2

	დაფერდებული, დაკავებული მრავალწლიანი ნერგებით, შენობა ნაგებობით, საგზაო ინფრასტრუქტურა რამდენად არის მოწყობილი და ა.შ.)	კომისიის შეფასებით, მიწა მეტნაკლებად გამოსადეგია, ხელმისაწვდომია ზოგიერთი ინფრასტრუქტურა	1
		კომისიის შეფასებით, მიწა გამოსადეგია, თუმცა არ არის მოწყობილი შესაბამისი ინფრასტრუქტურა	0.5
		კომისიის შეფასებით, არსებული მდგომარეობით წარმოდგენილ მიწის ნაკვეთზე სასათბურე მეურნეობა ვერ მოეწყობა და/ან მისი გამოსადეგ მდგომარეობამდე მიყვანა არარეალურია ან/და არ არის მოწყობილი საჭირო ინფრასტრუქტურა	0
განხორციელებადობა			
2	საგრანტო განაცხადით გათვალისწინებული იდეის რეალურობა, განხორციელებადობა და სასათბურე მეურნეობასთან დაკავშირებული საქმიანობის წარმატებით განხორციელების შესაძლებლობა	კომისიის შეფასებით, განმცხადებელს/ოჯახს კარგად აქვს ჩამოყალიბებული, გააზრებული ის საქმიანობა, რის განხორციელებასაც აპირებს; იდეა რეალურია და განმცხადებელს/ოჯახს აქვს უნარი, წარმატებულად გამოიყენოს ინვესტიცია.	2
		კომისიის შეფასებით, განმცხადებელს/ოჯახს სრულყოფილად არ აქვს გააზრებული ის საქმიანობა, რის განხორციელებასაც აპირებს; იდეა მეტნაკლებად რეალურია და განმცხადებელს/ოჯახს აქვს ზოგიერთი უნარი, რამაც შესაძლოა ხელი შეუწყოს ინვესტიციის წარმატებით განხორციელებას.	1
		კომისიის შეფასებით განმცხადებელს/ოჯახს ნათლად არ აქვს ჩამოყალიბებული, გააზრებული საქმიანობა ან/და მისი იდეა არარეალურია ან/და არ აქვს დაგეგმილი საქმიანობის განხორციელებისათვის საჭირო უნარი და შესაბამისად, დაბალია ინვესტიციის წარმატებით გამოყენების ალბათობა.	0
<p>თუ განმცხადებელმა შეფასების პირველ კრიტერიუმში (მიწის გამოსადეგობა სათბურის მოსაწყობად) ან მეორე კრიტერიუმში (განხორციელებადობა) მიიღო 0 ქულა, კომისია აღარ აგრძელებს განაცხადის შეფასებას და მიიღება გადაწყვეტილება განაცხადის დაკმაყოფილებაზე უარის თქმის შესახებ.</p>			
გამოცდილება			
3		განმცხადებელს/ოჯახს აქვს გამოცდილება სასათბურე მეურნეობის მიმართულებით იმ კულტურის მოყვანაში, რისთვისაც ესაჭიროება სათბური.	2

	<p>გამოცდილება სასათბურე მეურნეობის წარმართვისთვის, ცოდნა გრანტის მიზნობრივად გამოყენებისა და წარმატებით საქმიანობისთვის</p>	<p>განმცხადებელს/ოჯახს არ აქვს იმავე კულტურის სათბურის პირობებში მოყვანის გამოცდილება, თუმცა აქვს გამოცდილება იმავე კულტურის ღია გრუნტზე მოყვანის ან/და</p> <p>აქვს სათბურში მუშაობის გამოცდილება, მაგრამ სხვა კულტურაზე.</p> <p>განმცხადებელს/ოჯახს არ აქვს გამოცდილება და არ აქვს შესაბამისი ცოდნა.</p>	<p>1</p> <p>0</p>
მდგრადობა			
<p>4</p>	<p>საქმიანობის ადგილი, მოყვანილი კულტურების გამოყენება, გასაღების ბაზარი; პოტენციური მომხმარებლები; კონკურენტები და განმცხადებლის უპირატესობა მათთან შედარებით; საქმიანობის გაუმჯობესების/განვითარების შესაძლებლობა, მატერიალური მდგომარეობის გაუმჯობესება და სხვა.</p>	<p>განმცხადებლის/ოჯახის შეფასებისას იკვეთება, რომ დაგეგმილი საქმიანობა იქნება მდგრადი, გამომდინარე განმცხადებლის/ოჯახის გამოცდილებიდან, საქმიანობისათვის საჭირო უნარიდან და ა.შ.</p> <p>იმ შემთხვევაში, თუ დაგეგმილია სათბურში მოყვანილი პროდუქციის რეალიზაცია, განმცხადებელს/მის ოჯახს გააზრებული აქვთ გასაღების ბაზარი, მოსალოდნელი ხარჯები და შემოსავალი, იციან ვინ იქნება მათი პოტენციური მომხმარებელი, იცნობენ კონკურენტებს და გააზრებული აქვთ, როგორ დაიმკვიდრონ თავი სამიზნე გარემოში. ასევე, განმცხადებლის/მისი ოჯახის გათვლები მოთხოვნა-მიწოდების ციკლთან მიმართებაში რეალურია.</p> <p>განმცხადებლის/ოჯახის შეფასებისას იკვეთება, რომ დაგეგმილი საქმიანობის მდგრადობის ალბათობა მაღალია, გამომდინარე განმცხადებლის/ოჯახის გამოცდილებიდან, საქმიანობისათვის საჭირო უნარიდან და ა.შ.</p> <p>იმ შემთხვევაში, თუ დაგეგმილია სათბურში მოყვანილი პროდუქციის რეალიზაცია, განმცხადებელს/მის ოჯახს არასრულყოფილი წარმოდგენა აქვთ გასაღების ბაზართან, მოსალოდნელი ხარჯებთან და შემოსავალთან, პოტენციურ მომხმარებელთან, კონკურენტებთან და სამიზნე გარემოში თავის დამკვიდრების გზებთან დაკავშირებით.</p>	<p>2</p> <p>1</p>

		<p>ან განმცხადებლის/მისი ოჯახის გათვლები მოთხოვნა-მიწოდების ციკლთან მიმართებაში ნაკლებად რეალურია.</p> <p>განმცხადებლის/ოჯახის შეფასებისას იკვეთება, რომ დაგეგმილი საქმიანობა ვერ იქნება მდგრადი, გამომდინარე განმცხადებლის/ოჯახის გამოცდილებიდან, საქმიანობისათვის საჭირო უნარიდან და ა.შ.</p> <p>იმ შემთხვევაში, თუ დაგეგმილია სათბურში მოყვანილი პროდუქციის რეალიზაცია, განმცხადებელს/მის ოჯახს გააზრებული არ აქვს გასაღების ბაზართან, მოსალოდნელ ხარჯებთან და შემოსავალთან, პოტენციურ მომხმარებელთან, კონკურენტებთან და სამიზნე გარემოში თავის დამკვიდრების გზებთან დაკავშირებული საკითხები.</p> <p>ან განმცხადებლის/მისი ოჯახის გათვლები მოთხოვნა-მიწოდების ციკლთან მიმართებაში ზედმეტად გადაჭარბებულია.</p>	0
სასათბურე მეურნეობა			
5	განმცხადებლის/ოჯახის საკუთრებაში/სარგებლობაში არის სასათბურე მეურნეობა	აქვს მცირე ზომის სათბური (იგულისხმება საჩითილე, ხელით მოწყობილი გაუმართავი სათბური) ან არ აქვს სათბური	1
		აქვს გამართული სათბური	0
დაფინანსების მოსალოდნელი შედეგი			
6	კომისიის შეფასებით, დაფინანსების შემთხვევაში შესაძლებელია სასათბურე მეურნეობაში მოყვანილი პროდუქციის რეალიზაცია და საოჯახო მოხმარებისთვისაც იქნება საკმარისი		2
	კომისიის შეფასებით, დაფინანსების შემთხვევაში შესაძლებელია სასათბურე მეურნეობაში მოყვანილი პროდუქციის რეალიზაცია		1.5
	კომისიის შეფასებით, დაფინანსების შემთხვევაში, სასათბურე მეურნეობაში მოყვანილი პროდუქცია საკმარისი იქნება საოჯახო გამოყენებისათვის		1
მაქსიმალური ქულა:			11

გამარჯვებულად გამოვლინდება ყველაზე მაღალი ქულის მქონე განმცხადებლები (ჯამდება პირველადი შეფასების კრიტერიუმებით და წინამდებარე პუნქტის „ბ“ ქვეპუნქტით გათვალისწინებული შეფასების კრიტერიუმებით შეფასების შედეგად მიღებული ქულები). თუმცა, გამარჯვებულად ვერ გამოვლინდება განმცხადებელი, რომელიც „ბ“ ქვეპუნქტით გათვალისწინებული შეფასების კრიტერიუმების შეფასების შედეგად მიიღებს 5,5-ზე დაბალ ქულას.

3.3. გამარჯვებული საგრანტო განაცხადის გამოვლენა

პროგრამის ფარგლებში, გამარჯვებულად გამოვლინდება ყველაზე მაღალი ქულის მქონე საგრანტო განაცხადები, პროგრამისათვის განკუთვნილი ფინანსური რესურსის ფარგლებში.

კომისიის მიერ გადაწყვეტილების მიღების შემდეგ, სააგენტოს დირექტორი გამოსცემს შესაბამის ინდივიდუალურ ადმინისტრაციულ-სამართლებრივ აქტს, რომელიც საქართველოს კანონმდებლობის შესაბამისად, საჩივრდება სასამართლოში.

განმცხადებლების გამარჯვებულებად გამოვლენის შემდეგ, თითოეული გამარჯვებული ვალდებულია დეპარტამენტს წარუდგინოს განახლებული ამონაწერი საჯარო რეესტრიდან იმ მიწის ნაკვეთზე, სადაც დაგეგმილია სასათბურე მეურნეობის მოწყობა. აღნიშნული ვალდებულების შეუსრულებლობის ან იმ შემთხვევაში, თუ განახლებული ინფორმაციით, მიწის ნაკვეთი არ ფიქსირდება გამარჯვებულის ან მისი ოჯახის წევრის საკუთრებაში, უქმდება გადაწყვეტილება განმცხადებლის გამარჯვებულად გამოვლენის შესახებ.

სააგენტოსა და გამარჯვებულებს შორის ფორმდება საგრანტო ხელშეკრულება, რომლის თანახმად, განმცხადებელს განესაზღვრება თანამონაწილეობის ვალდებულების შესრულების ვადა. აღნიშნულ ვადაში, თანამონაწილეობის ვალდებულების შესრულების შემდეგ, სააგენტო სახელმწიფო შესყიდვების კანონმდებლობს შესაბამისად, უზრუნველყოფს სასათბურე მეურნეობის მოწყობის შესყიდვას.

ახალი გარემოების გამოვლენის შემთხვევაში, თუკი გამოვლენილ გამარჯვებულ განმცხადებელთან რაიმე მიზეზის გამო ვერ ფორმდება საგრანტო ხელშეკრულება ან გამოვლინდება გაფორმებული საგრანტო ხელშეკრულების ბათილობის საფუძველი, სააგენტო უფლებამოსილია მომდევნო ყველაზე მაღალი ქულის განმცხადებელთან გააფორმოს საგრანტო ხელშეკრულება.

გამარჯვებული ვალდებულია სასათბურე მეურნეობა გამოიყენოს პროგრამის შესაბამისად, ეწეოდეს სასათბურე მეურნეობას საგრანტო ხელშეკრულების ხელმოწერიდან არანაკლებ 3 წლის განმავლობაში.

3.4. პროგრამის განხორციელების ვადები

პროგრამის ფარგლებში, საგრანტო განაცხადების მიღების, შემოწმების, განხილვისათვის და სასათბურე მეურნეობების მოწყობისათვის განსაზღვრულია კონკრეტული ვადები.

საქმიანობა	აპრილი	მაისი	ივნისი	ივლისი	აგვისტო - დეკემბერი
საგრანტო განაცხადების მიღება	X	X			
საგრანტო განაცხადების შემოწმება	X	X			
დამატებითი ვადა დოკუმენტაციის წარმოსადგენად/ინფორმაციის დასაზუსტებლად	X	X			
საკვალიფიკაციო მოთხოვნებთან შესაბამისობის დადგენა და პირველადი შეფასება	X	X			
პირველადი საველე მონიტორინგი		X	X		
საგრანტო განაცხადების წარდგენა საგრანტო კომისიისათვის და გამარჯვებული განმცხადებლების გამოვლენა			X		
გამარჯვებულებთან საგრანტო ხელშეკრულებების გაფორმება			X	X	
გამარჯვებულების მიერ თანამონაწილეობის ვალდებულების შესრულების ვადა			X	X	
სააგენტოს მხრიდან სახელმწიფო შესყიდვის პროცედურები				X	
სათბურის მოწყობა					X

3.5. პროგრამის ხანგრძლივობა

პროგრამა ხორციელდება 2022 წელს.

4. პროგრამის მონიტორინგი

პროგრამის ფარგლებში, განხორციელდება როგორც პირველადი, ისე შემდგომი მონიტორინგი 3 წლის განმავლობაში. პირველადი მონიტორინგის მიზანია, დადგინდეს საგრანტო განაცხადით მოთხოვნილი ინვესტიციის საჭიროება, განხორციელებადობა და მდგრადობა. სააგენტო პირველად მონიტორინგს განახორციელებს შერჩეულ განმცხადებლებთან. შემდგომი მონიტორინგი განხორციელდება მხოლოდ დაფინანსებულ ბენეფიციარებთან. მისი მიზანია, შემოწმდეს გრანტის ფარგლებში მოწყობილი სასათბურე მეურნეობების მიზნობრივად გამოყენების ფაქტი და შეფასდეს გაუმჯობესებული საარსებო მდგომარეობა.